



NIUVIQTUNI PILAARUTAIT – ILIHIMALUGIT ITQUUMAYUT – KINAUTJUTIKKUT KUKIKNIQ

Kinautjutikkut (ID) kukikniq quvianaittuq. Pivaktuq kinaliqaak kukigaangat kinautjutiknik ilitturipkaitjutinik ihuinaariamiknik. Taimaa tamainnik amirilimaittugit pimmarluktauniarnahuquurnirik pitjutiqaqtuq qanurilirutinik mikhilaaqtitinikkut qayangnarnirik.

Amirilugit Kinautjutiknik Ilitturipkaitjutinik

- Tunigharuiqlutit kinautjutiknik ilitturipkaitjutiknik hivayautikkut, Qaritauyakuurutikkut titiqqivikkulluunniit kihiani ilvit pitjutilluaruvit hulinirmik.
- Qayagivaklutit tuninikkut kinautjutiknik ilitturipkaitjutiknik tunihuiqlutillu aallanik tuniyariaqangitarnik.
- Iliqhimalugu PIN (ilvit naunaitkutit nampat), atuqtihuiqlugillu maniliqitjutitit piannat. Piliuqpaklutit PIN-mik kiluuttarutiknikluunniit ilaqangittumik atirnik, hivayautiknik, anniviknik, humiinnirik Social Insurance Nampariyaqnikluunniit.
- Unniutjutihainnarlugit tammaqhimayut atukkirutikkut maniliqitjutikkulluunniit piannat.
- Nakhaqlugit avaliittuq Kinauyaaqharnik ihariagiyat.
- Tutquqlugit aallat Kinauyaaqharnik titiqqat (Social Insurance Nampa, annivitikkut titiraq, aullaarutit nunaryuarmi) tutquumattiarvikmun.
- Aliqaarlugit titiqqat piqaqtut kinautjutiknik ilitturipkaitjutiknik, aturungnaiqqata; ilauyullu nutqaqhimayut atuqtauhuiqtullu atukkirutit maniliqitjutilluunniit piannat.
- Social Insurance Nampa talvatuq atuqtau hukhaq havaknikkut taaksikkullu unniutjutinun.
- Apirhuutigilugit piyaulaittiarniit ilitturipkaitjutitit havakvikmi, havakvikni ikayuqtiuviknilu.

Amirilugu Qariyauyat Ilitturipkaitjutailu

- Pilutit ayurnaqtumik kiluutakharnik titiranik, nampanik naunaitkutiniklu.
- Iliuraqlugit hapuquutat aallatqiit pittailitjutit qaritauyaliqitjutit - nutaanguqtiqattaqlugit.
- Uuktuqniarhimahuiqlutit, niuviqniarhimahuiqlutit kihuhuiqlugillu spam-nguyut qaritauyakkut-titiraqhimayuluunniit apirhuiyut maniliqitjutikkut ilitturipkaitjutinik.



- Qaritauyakkuurutikkut maniliqitjutinik, qinirhialutit uuminnga https://, kiluuttaqhimayumik kiluuttamik ahiruqtauhimangittumikluunniit kiluuttamik naunaitkutimik.
- Igittiliraangavik qaritauyap tutqumavianik, atuqpaklutit piiyaqtitrutinik qaritauyaliqitjutinik ahiruqtiqluguluunniit tutqumavia.
- Niuviliruvut maniliqitjutiliruvilluunniit qaritauyakkuurutikkut, ilihimalutit qaritauyakkuuqvik nakuuyuq
- Maligauiqlogu atatjutihimayuuq qaritauyakkut-titiqqihimayumi aullaqtirnikkut qaritauyakkut pitjutinik maniliqiviknun, atukkiqviknun, qaritauyakkuurutikkulluunniit atuganik akiliqtuiviknik. Talvungauqpiarlutit timiqutip qaritauyakkuurutaanun kihimi.

Qayagilutit Inungnun Qaritauyakkut-Inuuqatigiigutininik

- Qayagilutit hunanik iliuraqpaktarnik inungnun qaritauyakkut-inuuqatigiigutini naunaitkutarni.
- Pitaanginnarlutit naunaitkutit nutaanguqattaraanginnarlugu.
- Pilugu pilluaqtitilimaittuq hapummnikkut pitjutaa manimayuuq
- Irhimanikkut hapummnikkullu pitjutit ikayuqpaktaatit amirinikkut kitkut takuyaaqtut takulimaittullu naunaitkutiknik
- Pihimalugit kinautjutiknik illitturipkaitjutiknik ilingnun – tunihuiqlugit illitturipkaitjutinik annivikkut, tamainnik atirnik, hivayautinik, titiqqiviknik uumingaluunniit Social Insurance Nampamik.

Piqaqqa quyanginnanik illitturipkaitjutinik iliuraqhimayut kinakiaq atuqtaaqtait kukiklugu kinautjutit, kukikluni iglungnin qangnarhipkaqtaaqaatillunniit, iliuraqhimayut?

Kinaunautjutingni, kukiktiit angmaqtiqtaaqtut nutaanik maniliqitjutinik, aquiqtuqlutik nakhaqtaqtanik hivayautinik, piluni manighanik aturutikhanik piqutiknin niuviqlunilu aghaluutinik tamayakhanikluunniit.

Naunairutit Kinautjutikkut Kukiknirmi

- Niuvirniit niuvihimangittut ilingnin iliuraqhimayut tatqiqhiutimi akiliqtakhanun.
- Akiliqtakhat tikitpaktut atukkirvikni piutigingitarni.
- Akiliqtuquiyut havakviit hivayaqpaqtut ilihimangitarni atukkani.
- Atugakkut piannani/maniliqitjutikkut titiqqat tikihuiqtut.



- Atukkirnikkut naunaitkutit piqaliqtuq ilihimangittarnik atukkanik.
- Uqaqatigilugit Canada Post-kut titiqqiviit titiratit tammarihimakpata.

Huliyukhauyutit Kinautjutit Kukiktaukpat

- Hivayaqlugit maniliqivikkut havakviit nunallaarnilu palihimat.
- Iliuraqlutit ihuinaarnikkut naunaitkutmik uumani atukkirnikkut naunaitkutingni uqaqatigilugit: Equifax: 1-800-465-71660 unalu Trans Union: 1-877-525-3823
- Himmauhiriami kinauyaakharnik titiqqat hivayaqtakhatit tunirhailiqpaktut havaktviit.
- Titiraqhimalugit qanuriliurutitit ihuarhainirhimanikkut atirnik piliuffaarniarhimanikkullut atukkirnikkut naunaitkutiknik.
- Ikayuqlugit nutaqtinikkut ihuinnaarnirnik. Hivayaqlugit Kanadami Anti-Fraud Centre (Ihuinnaaqtailinikkut havakvik) uvani 1-888-495-8501 uvaniluunniit www.antifraudcentre.ca.
- Taiguqlugu una Canadian Consumer Handbook (Kanadami Niuvigtunun Makpiraaq) uvani www.consumerhandbook.ca

Aallanik ilitturipkaitjutikhanik, uqaqatigilugu Consumer Affairs (Niuvigtunun Ikayuqtiit) havakvia:

CONSUMER AFFAIRS
Box 440, Baker Lake, NU X0C 0A0
Hivayaut: (866) 223-8139
Kayumiktukkut: (867) 793-3321
Qaritauyakkut: consumerprotection@gov.nu.ca